

1603 rum copiis, se infcio atque inconfulto, aditum daturos polliceantur. Ob eas res Rhæti arma capiunt; arce extructa sibi, compedes injici nunquam passuros affirmant; nitrati pulveris vim, globos ferreos conficiendarumque arcium magistros ex fœdere a Senatu postulant. Bergomatum ac Brixiensium magistratibus petita præstari jussum. Henricus, iis cognitis, se ad Rhætos tuendos cum Republica consensurum Patribus significat: ad Hispanorum consilia conatusque ever-tendos multa sibi suppeteret. At cum jam in Rhætis, vel gentis vitio, vel Fuentani astu, vel inconditæ plebis suspicione ac metu diffidiorum semina suborirentur; ad ea tollenda, fœderaque nuper inita facta tectaue tuenda, Joannes Baptista Padavinus denuo missus.

*Joannes
Baptista
Padavinus
denuo in
Rhætos mi-
ittitur.*

Per eos dies ulcus sensim altum atque auctum, adeo excrevit, ut summa cum omnium admiratione, gravique cum publica tum privata jactura erumperet. Cum enim aliquot antea annis ærea parva moneta, quæ solidi dodrantem, octo scilicet obulos conficeret, in ærariis officinis cuderetur, ex qua ob minutas impensas plebi commodi, ærario emolumentum haud parum accederet, temporis cursu adeo excreverat compluresque lucro illectos ad eam imitandam & ementientiam attraxerat, ut repente tanta ejus vis copiaque effluerit, ut pene cunctas Venetas ditiones inundaret, auri argentique in immensum fere pretiis auctis, ut prorsus negotia omnia humanaque commercia interdicta & extincta brevi fore viderentur. Ea vero labe præcipue infima plebs conflictabatur, in quam quidquid illius pestis erat, hominum vel fraude vel industria confluxerat. Huic malo obstandum Senatus ratus, primum adulterinam illam monetam edicto vulgato prohibuit; neque aliquid ejusmodi expendendum, ni prius ab officinæ ærariæ magistris probaretur, sanxit. In eos qui ementitam in civitatem importarent, importassentve, vel ob id monopolium fecissent, favissent, agitaissent, commercia habuissent, gravissimæ poenæ necis, bonorum publicationis perpetui exilii propositæ: indici præmia quingentorum aureorum promissa; exules revocandi, iis exceptis qui a Decemviris, vel ex eorum auctoritate proscripti fuissent, facultas permissa. Ad ea exequenda duo e Patri-
bus

*Venetorum
commercia,
q̄ æream
monetam
ementitam,
turbata.*